

湖北府志稿

卷之三

民治當陽縣志
光緒富陽縣補續志

中國地方志集成

湖北府縣志輯 ⑤2

同治當陽縣志

光緒當陽縣補續志

江蘇古籍出版社 ● 上海書店 ● 巴蜀書社

原序

粵自列侯貢俗太史觀風方陳輿獻上之天府歷三代漢唐以迄今茲代有成書凡山川勝物之殊人情土俗之淳漓皆士賢臣之出處以及政賦德教之繁盛衰靡不具載以詳攷稽資治化也我

朝定鼎後興學崇文廿餘年來博求典籍其於天下之志乘一書不啻勤勤勸纂矣然或海澨山陬篇殘簡斷續先啓後必待其人予茲讀當邑一志而有感焉予以己酉季夏銓授當陽卽聞吾鄉遊楚者道邑荒疲狀謂彈丸僻邑萬山交錯加以兵燹之後土蕪人稀咸爲予難之予曰士人服古入官行吾志焉爾敢與地方爭難易哉及乎捧符就道叱馭星馳履境之初憑車流覽遠望玉泉紫蓋諸峯鬱蒼綿亘近漱沮漳清溪諸水澄澈繁環雖凋敝之遺村煙落落而民風淳樸易於爲治固不得以彈丸視之矣蒞任後適值上憲檄徵邑志乃知邑志尙無成書所存斷簡殘篇方經攝篆婁公與邑之薦紳碩彥遠蒐近輯搃管成帙授之梓而未告竣也亟取藁本披讀則見夫山川紀也方物詳也名臣大儒文章政教悉班班可考也纖巨靡遺瞭如指掌矧其間摛詞簡雅寓意風規足爲千百世之鑒觀所謂續先啓後必待其人者婁公與邑紳其攸歸與諸君子任其勞予竊享其逸矣雖然予之所應爲者諸君子有以先之諸君子之欲爲而未逮者予安可不有以助之學宮之傾圯未修也城垣

樓櫓之敝缺未補也武安文定諸名蹟炳七麟七皆未能輪奐聿觀也從此漸次整理俾廢

者俱興誠守土者之責也予敢不勉與

康熙九年歲在庚戌仲春月

賜進士出身知當陽縣事古任城李芳佳木氏撰

當陽縣志序

當陽古權國余向應春官試北上道經斯地者三見其山川秀麗風俗敦龐因意其中名臣碩儒政事文章與夫忠孝節烈之人瑰異奇特之行必有卓卓堪紀者惜不獲披覽邑乘一印證之歲辛亥適奉

命承乏茲土亟取邑志閱之炳七麟七垂光簡冊者不一而足深喜符吾向者所意攷此志成於康熙八年距今百餘歲矣

聖天子文教覃敷海隅咸若斯邑雖僻處山陬雲蒸霞蔚而起者卽名區不過焉百年未輯殊爲闕典余有志纂修而未逮也會壬子大憲彙修楚北通志檄縣採訪事實以備編輯沂陽童君隨以儒學所藏續修志稿進凡所紀述頗爲整理但其中舛謬遺漏亦復不少因集薦紳耆彥設館迴峯書院往來商榷取舊稿釐定之分門別類刪其太繁補所未備雖拘文牽義難言美善而微顯闡幽片長不遺且一爲披覽而吏治民風治亂得失燎若指掌官斯土者卽此因地制宜不亦可攬其全而裕如乎今夏帙成都人士索序於余余回憶向時道經此地一過客耳豈料卽是邑之主人哉此中不無宿緣焉因不揣固陋而序之
乾隆甲寅夏五古賓黃仁題於玉陽官署之款治軒

序

國朝當陽縣志自康熙八年煥然一新然明季餘氣未靖士庶未盡選集採訪雖周不無脫漏
越

今上戊寅歲前侯 苗公率邑先輩博搜密訂已臻大備未幾他遷不及授梓己酉繼奉命司鐸於茲蒞任後簡閱書籍得底抄讀之喜且懼謂一經蠹蝕必遺他年亥豕之譌因諭同學諸公勉其續纂成書適 制憲畢公督修省志引下數學署隨攜抄本白明府 黃公公慨然以爲任召集邑紳諸先生囑其事增於後文酌於前以勦其成因以總理之任屬繼固辭不獲命勉應之然實仗 賢侯之明斷與諸公之直方其所是者進之非者退之不敢與以已見昔孔子成春秋於義尙曰竊取矧謾陋如繼 敢以筆削自多乎哉準是非之公而已是爲序

乾隆五十九年歲次甲寅夏五靳陽童繼撰

續修當陽縣志序

篆當陽兩稔於茲既周行四境察其地勢西北高而東南下西北多連山東南多平原廣野沮漳襟帶其間合流下入大江遇漲或江水盛溢則沮漳遏不得出往往潰決氾濫隴畝化爲沮洳恩光乃勸督居民繕修隄防期以堅厚令下皆踴躍趨事隄成而昏墊息又以其暇籌增書院膏火凡有修舉不敢廢墜士民益翕然信從今年連奉臺使檄催修邑志遂取舊籍檢之蓋有二本曰舊志者修於康熙時曰續舊志者修於乾隆末今曠七八十載未有增輯於是延都人士之淹雅端亮者分任采訪考輯而恩光商榷編次徵引舊志比附近事稍創體例定爲類若干惟是山中書缺有問故老率多零落諒稽蒐討病不廣遍摹成未敢自是質之年丈監利王子壽比部然後授梓僉謂恩光宜爲之序則論之曰志於邑無所不載顧有體焉繁則寡要簡又近略欲斟酌而歸於至當難矣然尤貴乎其識今夫當邑介居荊襄鄂峽間南北衝要爲兵家所必爭自春秋三國至昭代開國之初暨嘉慶咸豐間盜賊出沒邑最苦蹂躪今幸

朝廷威棱震疊烽燧已消然豫防不可弛也瀕川之民託命惟堤桑土綢繆未遂高枕無虞也若夫閭閻利病政令教條所設施有百年不變者有數年輒變者有一年數變者不審其宜則輕改與膠固兩失之至如簪纓甲第之蔚興貞廉節義之相望雖清淑萃鍾人爭砥礪

抑豈非賢長吏興起教化風動而鼓舞之效與凡若此類筆之於書來者考鏡得所率循所謂前事之不忘後事之師也由是言之則志不徒恃其體而又貴善用其識恩光治行無足稱述第念夙奉先相國訓誨及家大人教迪一行作吏不敢不勉又適遇茲役思藉手爲來者告且答父老勤勤見推之意故謹舉其大且遠者次第紀載而其他則有所不暇書同治五年歲在丙寅孟秋月知當陽縣事儀徵阮恩光撰

續修當陽邑志序

曩者相心嘗驅車至玉陽矣其境南漣吾郡西直夷陵北走襄鄧東襟郊郢竟陵沮漳二川
繚回如雙練岡巒迤邐原隰龍鱗桑麻布野略似豫州風景及覽其城郭之峻整學宮試
院之闊邃又與其邦人士遊皆彬彬然尙文學崇禮讓竊歎壯哉縣而風氣慍慤可喜也時
方兵後求觀邑志不可得今年冬

邑侯

孝通明府以書來郵其手纂志乘云奉檄續修凡若干卷屬加商榷且徵序焉蓋當陽志一
修於康熙時再修於乾隆末今且三矣急發橐本繹之義例謹嚴詞氣淵雅不以繁博是務
而徵引皆有典據不以新僻是誇而包舉極於宏纖大旨因舊志所網羅加以衷輯稍變其
門類確然可爲信史也相心竊惟方志之興肇於周官土訓誦訓與形方訓方諸職凡一邑
中山川險易田賦高下政事修墜風俗奢儉物產饒瘠與夫官吏士女之偉績高行莫不備
載非以馳騁淹洽爲夸炫耳目地蓋將以懸古今之鏡著得失之林使後來有所取法如射
立儀的車循軌轍若是乃爲善耳然而有三患患例之尤也詞之野也紀述之失倫也夫志
體同於史者什九特其大要主綜核不主褒譏稍爲同中之異綜核矣又無三者之患然後
號爲良史而不媿今觀茲志庶幾良史遺風乎明府爲儀徵

相國之孫 賜卿太守之令子文學淵源紹聞有自宜其深明著作之體權篆甫二載惠愛
治於四境堤防賓興諸務尤汲汲修舉不遺餘力茲復蒐考文獻勒爲一書悉本典則不獨
風流爾雅近古儒吏又以知其通達治體才足經方致遠將起而任

朝廷簡擢膺股肱方岳之選非但區區以一邑報稱者因不辭而僭序諸首簡
賜進士出身

誥授奉直大夫刑部廣西司主事年世愚弟王柏心拜撰

續修當陽縣志序

志者一邑之史也歷代史冊如天文地理之類有關於考據者則謂之志

國朝一統志及直省通志依次編集要皆聚邑志而掇其精華則邑志較通志爲加詳有不得不詳者也當邑本荆楚域山川秀麗甲於荆南至其民風醇樸易於爲治尤非他邑所能及余自己未夏蒞任茲土下車伊始亟取舊志披讀以攷厥源流大率體例悉備而近事則多闕文蓋自乾隆甲寅重修後閱七十餘年中間湮沒爲不少也越明年會邑紳商榷謀所以續修此志者徧加採訪得十餘帙公餘有暇將加編次旋以軍需旁午民力不支未敢率爾舉行嗣余調任沙羨未幾出守燕南僕僕風塵此舉更無從過問私衷常耿耿也頃得邑侯阮孝通明府書云奉檄續修邑乘今脫稿矣俟就正於監利比部 王子壽先生卽付剞劂分編者爲袁廉叔鄭石雲兩明經皆余同年友曩所共商榷者且以余曾加採訪囑余爲之序噫此固余有志未逮者也得明府以玉成之夫復何憾明府爲儀徵 相國文達公之孫今太守 賜卿先生之家嗣也家學淵源政聲卓著本楚中循良冠冕今此手編邑乘必能萃擷經史周諮博考以彙爲成書更非余所能企及余旣不獲贊襄其事猶得郵寄一言附諸簡端以留爲雪中鴻爪且與此邦人士結一重翰墨緣也是爲序

同治五年歲在丙寅仲春月知直隸順德府事宜興任道鎔撰

續修邑志序

邑侯 阮孝通先生之宰茲邦也以相國孫又秉名父之訓不鄙夷敝邑因俗爲治加意拊循政平而訟理士悅而民和自堤防賓興諸務靡不修舉甫及二載疊奉臺檄催修邑志按敝邑志乘一修於康熙時再修於乾隆末至今日七八十年未事續纂典籍缺少傳聞寥落衆有難色先生獨毅然圖之延召儒流會議增輯若者任採訪若者任集貲先生乃創爲體例區分門類而手自纂次既成則議法謹嚴咸中典則衆謂宗岱獲預編次宜有言以識之宗岱承學既淺齒又居鄉先達後力謝不敏衆皆強之不休乃謹述其顛末焉夫僻陋巖邑介在山谷間雖未得與通都壯縣相提並論然竊嘗得諸載籍所紀與故老傳聞矣茲非山陽公子登臨徙倚之區乎蜀漢上將雄烈不凜然如生乎朱子發之闡明易旨胡文定之羽翼春秋遺書不猶有存者乎才人英雄則如彼大儒淵源則如此而皆萃此一方然則敝邑雖褊小其何慚於上國又况數千年來良有司煦嫗而化導之遺愛未沫其挺紫蓋玉泉沮漳之英靈而起者或高勳上第或忠節著聞以及孝子順孫貞女節婦聯翩繼跡紛綸照耀爲山川增壯者指不勝屈今先生皆網羅掇拾登之竹冊而條貫統飭無雜無漏號爲信史誠曠代盛事哉宗岱既爲敝邑幸益願與邦人士女爭自琢磨蒸成善俗以副聖朝時雍光被之

休風而無負 賢侯衷輯表章之盛意也不尤懿與同治丙寅仲秋月治下晚生鄭宗岱謹識

序

民國二十二年十月歲以湖北第九區督察專員就任宜昌十一月出巡諸縣首至當陽至之日以戌刻抵治所越長坂自西門入市燈光澈上與星河相映而街衢整肅敷石瑩七亦既歎斯邑之必有可觀矣既達縣署其門樓卽榜曰仲宣樓此漢末寓公之遺跡也是時江陵熊君明春杏圃方爲邑令與歲詳述政事首稱當陽土田饒沃計畝得七十萬爲九區諸邑所不及而民足衣食又稱當陽文化殊絕縣立小學外公立私立諸小學統計得二百餘所薦紳先生之博通國故者又大有其人甚矣哉治斯邑而談教養之道固自易易矣令又告我曰邑中賢士不無元祐君子之爭斯貴有以處之歲曰易詩不云乎維桑與梓必恭敬止第以此義勉諸賢宜乎其可以輯穆也歲留此二日措置斯事卽引經以解之而糾紛果定濟濟多士可謂克廣德心者矣歲於是調閱志乘令曰志頗難求也徵於城坊故舊之家亦渺不可得及出巡諸縣歸以十二月五日召第一次區行政會議於宜昌令又來會乃假貸於某氏攜以示歲並申重印之旨而屬歲爲序歲檢讀茲篇知此志修於清康熙九年續於乾隆五十有九年再續於同治五年迄於今又六十八年矣此六十八年中事變方殷雖山川城郭晏然如舊而人物之代謝與政教之改革恐十倍於前朝續修之不可緩亦既明矣方今之務教養爲急而養尤過之觀斯邑林木蔚鬱蠶絲適宜而產棉亦殖沮水商舟有助懋遷他日汽車旁達其東

南可歷荊州而下其西北可歷宜昌遠安而上閨邑人士儻勤求科學繼農田而攷工則富力之充幾可甲宜昌八邑是則使者之所深望也至先聖先賢尤爲多士楷模文如胡文定武如壯繆侯其陵墓皆在近郊科學雖新而明德惟舊師資豈遙遠哉今 賢令重印茲篇卽續修之佳兆八邑之中宜昌志將重纂矣遠安秭歸二志脫稿待刊宜都亦重印舊籍與當陽同咸忝察八邑碌碌無所補惟念斯邑山川之人秀文之美物產之富佇看農工並興丕振鴻業其爲人也宜取則關胡以表章國性而閭里雍和風淳溢他日遊斯土者必有樂而忘歸之意仲宣可作當亦自訂其文矣二十三年元月涿鹿呂咸箸青謹序

序

運鈞

讀文選至王粲登樓賦雅愛其文辭及讀魏志本傳裴注引典論亦盛稱粲長於辭賦并獎茲編信所謂騁騁驥於千里者也賦稱挾清漳之通浦倚曲沮之長洲又稱北彌陶牧西接昭丘吾讀其辭吾未知斯樓之安在也而李注文選引荊州圖記曰當陽東南七十里有楚昭王墓登樓則見所謂昭丘本乎是則昭丘已在當陽東南而樓且在昭丘之東其不在今日之縣治亦明矣按縣治述古蹟稱東城在治東一百四十里今荊門州治東卽古當陽縣城然則今之縣治其方位既與古殊其稱仲宣樓則謂在玉陽山頂舊誌謂卽城南樓惟賦內沮漳並舉不應在今縣治古麥城在沮漳之間庶幾近之又稱昭丘當在麥城西距縣治五六十里然則今日之當陽城旣非古城則所謂仲宣樓者亦必在沮漳之間與昭丘麥城相近乃與賦合運鈞贛清江人也吾先祖行商於黔遂爲黔人清末應試入北都浮沈農署者十有七年足不出都門一步戊辰之秋轉赴南都去秋以來助乘循巡屬縣得載筆追陪首至當陽縣尹熊公歷述斯邑山川之美土地之富人文之秀物產之饒予得審聽於旁穆然生愛慕之思又登玉泉歷長板景行古人而於仲宣一樓尤遐想不能置及辭當陽赴遠安傍沮水行而後歎所謂曲沮長洲者果質而不妄典論所稱於辭無所假良足信歟今熊尹以縣志難得擬卽舊籍而重印之請呂公爲序而並及於運

自惟不學際茲嘉會敢不罄愚以附於篇此堂堂壯縣自仲宣以次於唐公孟浩然杜觀於後梁如梁震於宋如唐介子方胡安國謚文定朱震子發侯仲良聖師何參於明如袁宏道石公袁中道小修皆紀名於流寓而小修之文近中郎石公之爲宰能斷參之博學孝義聖師之清端勁直子發之著漢上易解文定之纂修春秋子方之直聲動天下震之不慕榮利而觀有名兄浩然亦好義節惟仲宣以名公之胄蔡邕且稱爲異才如運鈞者庸七當陽過客耳以擬十一賢而自居何地其悚懼果何如乎僭附斯篇亦第自慚其微幸而已民國二十三年甲戌元月貴筑漆運鈞謹序

序

當陽縣志昉於前清康熙九年係以劉子鴻之舊藁爲嚆矢而由李大令芳增纂而出者也嗣後一修於乾隆五十九年再修於同治五年補續於光緒十五年卷列十九門分十二考据賅博採輯精良如伍子胥築驢磨二城則本之酈道元水經注權國在南郡當陽非之今當陽則本之杜預左傳注洵屬允當惟以周將軍墓卽周倉墓是否與陳壽三國志相鑿以三家市卽三戶津是否卽項羽敗章邯之三戶津此中尙不無疑問余以民國甲戌督察九區行政而當陽實爲轄縣行部時見關陵圯敗正在集款修葺而當陽熊大令明春復慮縣志之年久失修也計同治五年至今已近七十年矣滄桑變幻迴異疇曩文獻蕩佚識者疚心則重修斯志自爲急務然採訪編纂顯微闡幽又非旦暮間事也都人士之稽古者咸惴惴於舊版之無存其新者益無從著手故重刊舊志尤爲急務乙亥春熊大令以此商之於余余嘉其意在網羅舊聞也爰憲思付梓以爲抱殘守缺之一助比者地方多故軍書旁午民謬職方之訓人望太史之軒得有斯志庶幾古人之流風餘韻洋溢於玉泉紫蓋間乎特余媿不文而雍容揄揚潤色鴻業尙有待於博雅之君子云爾

民國二十四年乙亥仲春湖北第九區行政督察專員羅經猷識於宜昌公廨